

1275 August 29 Coesfeld.

[45

Everhard, Cleft von Münster, befundet die Übertragung eines Erbes, Kipl. 113  
Billerbeck, an das Stijt Varlar.

Nos Everhardus, Dei gratia Monasteriensis electus, recognoscimus in his scriptis et omnibus cupimus notum esse, quod Hermannus de Bernmetvelde dictus Werence miles cum uxore et liberis suis ac veris haeredibus suis constitutus coram nobis proprietatem domus dicte Bertholdinck, sitae apud Vrilewick in parochia Billerbeke, quam dilecti in Christo praepositus et capitulum ecclesiae Varlarensis Praemonstratensis ordinis, nostrae diocesis ab Adolpho dicto Werence milite iusto titulo compararunt, libere, sponte et sine ulla coactione ad usus dictorum praepositi et capituli ecclesiae Varlarensis resignarunt et dictam proprietatem cum omnibus suis attinentiis in dictam ecclesiam Varlarensis transtulerunt, super quo nos rogati ab ipsis Hermannus, uxore sua et haeredibus eorundem praesens scriptum fieri fecimus et sigillo nostro communiri. Actum in praesentia multorum fidelium nostrorum apud Cosfelde anno Domini M<sup>o</sup>CC<sup>o</sup>LXX quinto, die decollationis beati Joannis.  
Kopie im Varlarer Kopiar S. 20.